



## **Rhwydwaith Cymunedau Arfordirol Gweithdy Tri – Adroddiad Cryno Mehafin 2004**

Prosiect a ariannwyd gan INTERREG IIIA yw CoCoNet (Rhwydwaith Cymunedau Arfordirol) a weithredir gan bartneriaid prosiect yng Nghanolfan Adnoddau Arfordirol a Morol Coleg y Brifysgol Corc (CRM) a Grŵp Amgylchedd Morol ac Arfordirol, Prifysgol Caerdydd (MACE).

### Nodau prosiect CoCoNet

Nodau CoCoNet yw:

- Hwyluso rhwydweithio a chyfathrebu ymhlith cymunedau arfordirol.
- Archwilio mecanweithiau i roi i gymunedau arfordirol deimlad gwirioneddol o gyfranogi, ac o fod yn rhan o reolaeth yr ardal arfordirol a morol yn y dyfodol.

Trwy gynnal cyfres o Weithdai bydd CoCoNet yn helpu codi ymwybyddiaeth am faterion Rheolaeth Arfordirol Integredig, gwella dealltwriaeth o amgylcheddau morol ac arfordirol a rhoi cyfleoedd i randdeiliaid i rannu profiadau.

Cynhaliwyd trydydd gweithdy CoCoNet yn Wexford, Iwerddon ar 17 Mehafin 2004. Llywyddwyd y gweithdy ar y cyd â phrosiect Rhwydwaith Rheolaeth ar Barthau Arfordirol (CZMNet). Cynhaliwyd gweithdai blaenorol yn Aberystwyth (2 a 3 Ebrill 2004) a Howth, Swydd Dilyn, Iwerddon (30 a 31 Ionawr 2004). Gellir cael yr adroddiadau cyflawn a'r cyflwyniadau ar gyfer pob gweithdy trwy lawrlwytho pdf o wefan CoCoNet ar <http://coconet.ucc.ie>.

### Prosiect CZMNet

Ariannwyd prosiect CZMNet hefyd gan INTERREG IIIA. Nod prosiect CZMNet yw datblygu rhwydwaith o gynllunwyr Awdurdodau Lleol. Wrth wneud hynny, nod CZMNet yw annog a hwyluso cydweithrediad agosach rhwng Awdurdodau Lleol yng Nghymru ac Iwerddon ym maes rheolaeth ar barthau arfordirol. Bydd CZMNet yn darparu mecanwaith ar gyfer rhannu profiadau a gwybodaeth am reolaeth ar barthau arfordirol.

Y partneriaid prosiect yw Enterprise Ireland a Chyngor Sir Gaerfyrddin.

Roedd gweithdy olaf CoCoNet/CZMNet yn gyfle delfrydol i ddod â chynrychiolwyr o Awdurdodau Lleol a grwpiau cymunedol at ei gilydd ac i hwyluso trafodaethau ar ddatblygu Rheolaeth Integredig ar Barthau Arfordirol (ICZM) yn ardal De Môr Iwerddon.

### Gweithdy Tri

Cynhaliwyd trydydd gweithdy CoCoNet yn Wexford, Iwerddon ar 17 Mehafin 2004. Nodau'r gweithdy oedd

1. Gwerthuso rôl rhwydweithiau i gynorthwyo Awdurdodau Lleol a chymunedau arfordirol i reoli eu harfordiroedd yn well.
2. Archwilio perthnasedd y rhwydweithiau arfordirol sy'n bodoli ar hyn o bryd yn ardal De Môr Iwerddon.
3. Hwyluso datblygu syniadau ar gyfer prosiectau newydd i gyflawni datblygiad arfordirol cynaliadwy yn ardal De Môr Iwerddon.
4. Llunio argymhellion ar ICZM i ddylanwadu ar ddatblygu polisi yng Nghymru ac Iwerddon.

Roedd y gweithdy yn cynnwys cyflwyniadau addysgiadol ac fe'i dilynwyd gan sesiynau cyfranogol yn cynnwys trafodaethau ar sail is-grwpiau a'r cyfarfod llawn. Fel yn y gweithdai blaenorol fe'u mynychwyd gan groestoriad da o randdeiliaid arfordirol allweddol, gan gynnwys cynrychiolwyr o grwpiau cymunedol, partneriaethau arfordirol, Awdurdodau Lleol o ardal De Môr Iwerddon, cyrff anllywodraethol, asiantaethau statudol a sefydliadau academaidd. Roedd y rhaglen yn cynnwys sesiynau wedi'u neilltuo i *Achos Meddwl, Potensial Rhwydweithiau Arfordirol, Prosiectau ar gyfer y Dyfodol ac Argymhellion*.

Roedd **Sesiwn Un** yn cynnwys dau gyflwyniad. Gwnaeth y siaradwr cyntaf rannu gwybodaeth ar gyfeiriad tebygol ICZM yn Ewrop. Roedd yr ail gyflwyniad yn canolbwyntio ar ymagweddau cymunedol at ICZM a chrybwyllwyd enghreifftiau o fentrau cymunedol yn UDA ac Ewrop.

Testunau'r Cyflwyniadau: Sesiwn Un

- Dyfodol ICZM yn Ewrop
- Gwersi a Ddysgwyd o Ymagweddau Cymunedol ar Reolaeth Arfordirol yn UDA a Croatia

**Sesiwn Dau** - Yn y sesiwn hon roedd y cyflwyniadau'n canolbwyntio ar rwydweithiau arfordirol a'r siaradwyr yn cynnig enghreifftiau o, a gwybodaeth am rwydweithiau sy'n gweithredu ar lefelau is-genedlaethol, cenedlaethol ac Ewropeaidd. Dilynwyd y cyflwyniadau gan drafodaethau'r cyfarfod llawn ar rôl rwydweithiau mewn rheolaeth arfordirol yn y dyfodol.

Testunau'r Cyflwyniadau: Sesiwn Dau

- Statws a Chyflawniadau CZMNet
- Statws a Chyflawniadau CoCoNet
- Rhwydweithiau mewn Rheolaeth Arfordirol Integredig
- Ymarferwyr Arfordirol: Adeiladu ar Brofiadau Rhanbarthol ar draws Ewrop
- Yr Angen am Bartneriaethau Arfordirol a Rôl Rhwydwaith Arfordirol y DU, CoastNet.

Cynhwysir crynodebau o gyflwyniadau Sesiynau Un a Dau yn adroddiad llawn y gweithdy, ac yn ogystal, mae cyflwyniadau PowerPoint y siaradwyr ar gael ar wefan CoCoNet (<http://coconet.ucc.ie>).

**Sesiwn Tri** – Roedd y cyfle i ddirprwyon drafod mentrau ar gyfer y dyfodol yn rhan bwysig o'r gweithdy. Am y rheswm hwn, cynhaliwyd sesiwn arbennig yn canolbwyntio ar brosiectau ar gyfer y dyfodol yn y prynhawn. Yn ystod y

sesiwn hon rhannwyd y dirprwyon yn bedwar is-grŵp gyda hwylusydd ym mhob grŵp i lywio a chanolbwyntio trafodaethau, tra oedd rhywun arall yn nodi'r prif bwyntiau ac yn adrodd yn ôl i'r cyfarfod llawn.

Roedd rhaid i un grŵp drafod un o'r testunau a nodir isod.

- Datblygu cynnig i godi ymwybyddiaeth am Ardaloedd Cadwraeth Arbennig (SACs) morol a materion bioamrywiaeth arfordirol
- Gweithio tuag at rwydwaith arfordirol i Iwerddon
- Sut i hwyluso cyfranogiad y cyhoedd yn ICZM yn lleol
- Sut i lywio datblygu polisi cenedlaethol

**Sesiwn Pedwar** – Yn ystod y gweithdy rhoddwyd rhestr o argymhellion arfaethedig ynghylch ICZM i'r cyfranogwyr i'w hystyried. Gofynnwyd i'r dirprwyon restru'r tri argymhelliad pwysicaf. Yn dilyn y gweithdy, dadansoddwyd y dewisiadau. Roedd y prif argymhellion a godwyd yn canolbwyntio ar *integreiddio*, *gwella cynnydd* ac addysg. Daeth y diwrnod i ben wrth i'r cyfarfod llawn drafod datganiad drafft Wexford. Caniataodd hyn fewnbn gan y dirprwyon ar eiriad penodol y Datganiad a'i ledaeniad.

Canlyniad gweithdy olaf CoCoNet/CZMnet oedd rhoi diwedd glo llwyddiannus i'r ddau brosiect. Yr oedd tri phrif allbwn o'r gweithdy:

1. Ymgododd cynllun ar gyfer prosiect newydd i ddilyn CoCoNet o'r gweithdy. Cyflwynir cynnig i raglen INTERREG IIIA i ddatblygu prosiect peilot i godi ymwybyddiaeth am SACs morol a materion yn ymwneud â bioamrywiaeth arfordirol. Bydd y prosiect yn cynnwys Awdurdodau Lleol ar naill lan Môr Iwerddon a'r llall (Cyngor Sir Fingal a Chyngor Sir Gwynedd) yn cydweithio â rhanddeiliaid cymunedol lleol. Bydd y weledigaeth ar gyfer y prosiect yn cynnwys cysylltiadau rhwng awdurdodau lleol a grwpiau cymunedau arfordirol a anogwyd gan weithdy CZMNet/CoCoNet ar y cyd.
2. Roedd pawb yn unfrydol yn eu cydnabyddiaeth o bwysigrwydd rhwydweithiau i hyrwyddo mentrau rheolaeth arfordirol a'u cefnogaeth i greu rhwydwaith arfordirol ar gyfer Iwerddon. Cytunwyd i fynd ar drywydd sefydlu rhwydwaith cenedlaethol gyda'r amcan o hyrwyddo gweithredu datblygiad cynaliadwy o Arfordir Iwerddon. Cytunwyd y byddai gweithgor craidd yn symud trafodaethau yn eu blaen yn ystod yr haf.
3. Cytunwyd ar gynnwys Datganiad Wexford (<http://coconet.ucc.ie>) ac ar briodoldeb defnyddio'r Datganiad i hysbysu gwneuthurwyr polisiâu'n ymwneud â'r arfordir o'r blaenoriaethau ar gyfer rheolaeth arfordirol a nodwyd ym mhrosiectau CoCoNet a CZMNet. Cytunwyd i ledaenu'r Datganiad yn eang wedi'r gweithdy er mwyn codi ymwybyddiaeth ac i ganolbwyntio sylw ar ICZM yn ardal INTERREG De Môr Iwerddon.